

Risguardar l'autonomia communal tar las linguas d'instrucziun

CUN CUSSEGLIER GUV. MARTIN HA
DICURRIÀ GION NUTETGN STGIER /ANR

■ **En connex cun la revisiun totala da la lescha da scola ha l'anr fatg quatter dumondas a cusseglier guvernativ Martin Jäger.**

Tge consequenzas ha la revisiun totala da la lescha da scola per las scolas rumantschas?

Martin Jäger: Er en l'avegnir defineschan ils purtaders da la scola la lingua per l'instrucziun en il rom da la constituziun e da la lescha da linguas dal Grischun. La proposta da la nova lescha da scola mida insumma nagut a l'actuala e cunzunt cumprovada autonomia da las vischnancas.

Ha la nova lescha da scola consequenzas per las scolas pli pitschnas?

Gia fin ussa han las scolas pitschnas retschet in sustegn supplementar dal chantun. Per quai datti dentant fin oz nagina basa conform a la lescha. Da nov vegn il supplement per las scolas pitschnas francà en la lescha da scola. Consorziis da scola en lieus isolads cun damain che 66 scolaras e scolars en il scalem da la scola primara ed en il scalem dal la scola secundara I retschaivan ina pauschala supplementara per scolar e scolara.

Tge consequenzas ha la revisiun totala da la lescha da scola per il rumantsch grischun?

Cumpetenzas resta tar las vischnancas

Ils purtaders da las scolas defineschan lur lingua da scola sin basa da la constituziun chantunala, respectivamain da la lescha da linguas. La libertad, da definir dasper rumantsch grischun sco lingua d'alfabetisaziun, idioms locals resta per las vischnancas. Qua tras è betg pli da giustifitgar sch'il chantun metta betg pli

a disposiziun als purtaders da las scolas, sin fundament da la libertad da la lescha da linguas ils meds d'instrucziun. La nova lescha cumpiglia damai la definiziun (art. 34) ch'ils meds obligatorics numnads da la regenza duaian er vegnir producids en ils idioms. Quai pertutga primar l'instrucziun da scola e la matematica. Ils meds d'instrucziun betg obligatorics duaian sco fin ussa vegnir edids en tudestg, talian e Rumantsch Grischun. En il rom dal plan d'instrucziun (plan d'instrucziun 21) èsi da fixar las cunaschientschas minimalas en rumantsch grischun per las scolas rumantschas.

Co sa preschenta la situaziun actuala dal rumantsch grischun ubain ils idioms?

Ina terza ha rumantsch grischun

La nova lescha da scola è la basa per manar ina scola en l'entir Grischun. La basa duai avair cuntinuitad sur l'actualitad dal di. Actualmain vegnan radund 1/3 dals uffants instruids en rumantsch grischun en las scolas rumantschas e 2/3 en divers idioms.



Cusseglier guvernativ Martin Jäger declera la posiziun da la regenza en connex cun il rumantsch grischun sco lingua d'alfabetisaziun.